

COMITÉ DE APELACIÓNS DA FEDERACIÓN GALEGA DE BALONMÁN

Recurso de Apelación: 5A/ 2018-2019
Solicitante: A.D. Carballal

RESOLUCIÓN

Visto o recurso presentado polo club A.D. Carballal Balonmán, en data 10/04/19, no que solicita a suspensión cautelar previa a revisión da sanción por desconformidade ca mesma do fallo do Comité de Competición desta Federación do acordo 17.1.1, de data 03-04-19 (acta nº 28), en relación á sanción establecida ao xogador do clube citado, D. Carlos Mariño Barciela, tendo en conta os seguintes:

ANTECEDENTES DE FEITO

PRIMEIRO.- En data 03/04/19 o Comité Territorial de Competición da Federación Galega de Balonmán, facendo uso das súas facultades e competencias, acorda entre outras medidas disciplinarias:

17.1.1.- á vista das alegacións formuladas polo Clube A.D.Carballal, e que o ACADEMIA OCTAVIO non foomulou alegacións, procede o seguinte:

SANCIONAR ao XOGADOR do Clube A.D. Carballal D. Carlos MARIÑO BARCIELA con suspensión temporal de TRES (3) encontros de competición oficial pola comisión dunha infracción grave do artigo 33 E) do RRDg.

SEGUNDO.- Sanción que ven de ser recorrida polo club A.D. Carballal Balonmán mediante recurso presentado en tempo e forma.

A salvo do fondo do asunto solicitan a suspensión do cumprimento da sanción como medida cautelar, motivo da presente resolución.

FUNDAMENTOS DE DEREITO

ÚNICO: Dacordo co establecido no RRDG, este Comité de Apelación dispón da capacidade discrecional de suspender as sancións impostas namentres non se resolva o recurso correspondente, sempre que se motive xurídicamente a resolución que se adopte, conforme los principios reitores da actividade administrativa nesta materia.

A tenor do establecido no artigo 117 da Lei 39/2015, do procedemento administrativo común, para que se poida acordar a suspensión da execución do acordo do Comité de Competición é necesario que se cumpra algún dos seguintes requisitos:

- a) que a execución puidera causar un prexuício de imposible ou difícil reparación,
- b) ou que o recurso de apelación se fundamente nalgũa das causas de nulidade de pleno dereito das recollidas no artigo 47.1 da citada Lei.

No presente caso, é evidente que o cumprimento da sanción acordada polo Comité de competición provocaría un dano que non podería ser

reparado, no caso de que tal sanción fose anulada por este Comité de apelacións.

Deben terse en conta, ademais que os principios penais, que se teñen que aplicar, por analoxía a todo procedemento administrativo sancionador, antepoñen as garantías a favor dos sancionados ao obxecto de que prevalezan os seus lexítimos intereses.

A maiores, só nos casos especialmente graves, nos que se faga imposible a súa posterior executabilidade ou ben nos que se atopen en risco bens de maior protección, é posible executar as sancións con anterioridade á firmeza da resolución que a impón. Non tratándose de feitos de especial gravidade, que poñen en perigo bens de maior protección e sendo posible que o xogador cumpra a suspensión temporal de tres partidos unha vez conste resolución expresa do recurso presentado, procede a suspensión da execución.

A medida cautelar valórase neste acto, sen entrar a resolver no fondo da cuestión; sobre a procedencia ou non da sanción imposta polo Comité de Competición pola comisión dunha infracción tipificada no artigo 33 E) do RRDg; que dilucidarase na ulterior resolución do recurso.

Por todo o exposto, este Comité de Apelación, reunido ao efecto todos os seus membros no lugar e data indicados,

RESOLVE

Acordar a SUSPENSIÓN CAUTELAR, arriba referida, do acordo 17.1.1. do Comité Territorial de Competición desta Federación de data 03/04/19 (acta nº 28).

Esta resolución é firme e contra a mesma non cabe recurso algún.
Comuníquese aos interesados.

Vigo, 11 de abril de 2019.

A Presidenta do Comité de Apelacións
Asdo. Laura González Solla